



**Veröffentlichungen:**

keine.

**Themen:****TU:** 151.a, 152.a, 580.5, 590, 152.b, 153.a, 153.b, 810.1, 815.1, 650, 960.3, 156**DP:** F, V**Beispiel:****[Keine Melodie]**

Merk fleißig auff O frommer Christ/ was erst newlich geschehen ist/ wol in dem Salzburgerland  
ein schreckliches Wunder groß/ dieses betracht O Welt gottloß.

Es ist nun jederman bekannt/ die tewerung nimbt vberhand/ an allen end vnd ort/ vnd ist doch  
gnug auff aller ban/ wer Geld hat alls bekommen kann

Daß klagt sehr die gemeine Welt/ weil sie nicht kann gewinnen geld/ mit jhrer Arbeit schwer/  
daß gleich die Menschen wie die Stein/ so hart gegeneinander seyn.

Wie wir deß Ein Exempel han/ von einem Gärtner thut verstahn/ der hat sechs kleine Kind kein  
Nahrung dann das Taglohn het/ damit er sie erhalten thet.

Oft must er leyde große Noth/ daß er hett weder Gelt noch Brot/ bis an den dritten Tag/ so  
theten sie ohn gessen sein/ O Christen Mensch die Noth beweine.

Der fromm Gärtner thet verstahn/ thet schnell zu seinem Bruder gahn dann der war mächtig  
reich/ thet ihn bitten in der noth/ er soll jhm geben ein Laib Brot

Oder er wöll jhm dienen ab/ der Bruder jhm zur antwort gab/ was wilt du fauler Hund/ kein  
Brot hab ich gebachen dir/ geh zu dem Becker hin dafür.

Der Gärtener sprach ach Bruder mein/ erbarm dich der Kinderlein/ dann ich hab je kein Gelt/  
wo du nicht helffest in der noth vor hunger leiden iwr den Todt.

Da griff er in Sack hinein/ ein Groschen gab dem Bruder seyn/ vnd sprach Gottloser Tropff/  
gehe hin vnd kauff den grimmen Todt/ so kommest einmahl auß der Noth.

Der Gärtner weinet vnd hin lieff ein Brot er vmb den Groschen tieff das thet er teilen auß/ vnnd  
saget seinem Weib darvon/ was jhm sein Bruder het gethan.

Sie thäten spüren/ Gottes Gnad/ vnd wurden von dem Brot so satt/ kunndtend nicht essen gar/  
des danckten sie dem lieben Gott/ der jhn gesegnet hat das Brot.

Darnach gieng er zu seiner Zeit/ wider gantz frölich an sein arbeit/ vnd fieng zu singen an/ gar inniglich zu dieser stund/ daß schöne Lied von Hertzen grund.

Warumb betrübstu dich mein Hertz/ bekümmerst dich vnd leidest schmerz wol umb das zeitlich gut/ vertraue du deinem Herze Gott/ der alle Ding erschaffen hat.

Daß Lied sang er gantz deutlich auß/ einem Rosenstock wolt Graben auß/ in dem das Erdreich/ vor jhm so da verwandelt schnell/ zu einem schönē Rocken Meel.

Darob er sehr erschrecken thut/ vnd faßt es auff in seinen Hut/ vnd wolt es tragen hin/ dasselbig schawet hin vnnnd her/ köstlich es zu brauchen wer.

Ein gantzen Sack voll holen thet/ gut Brot darauß gebachen het/ dergleichen man nicht fand/ man höret weiter zu der frist/ wie es seinem Bruder gangen ist.

Das Korn so er het im Hauß/ ist allesamt geflogen auß/ kein Körnlein blieb da/ deßwegen der Geitzhalß erschrickt/ vnd hin zu seinem Bruder schickt.

Er solt jhn auch in seiner Noth/ jertzunder leihen ein Laib Brot/ der Bruder sprach newlich/ O ja daß will ich gern thun/ wann er nun essen will darvon.

Der Geitzhals sich nicht schämen thet/ das Brot er bald versuchen thet/ vnd hat es in dem Mund/ sank nider vnd getzlinge [?] starb ein traurigs end er da erwarb/

Also straffet der liebe Gott/ wan man den Armen nimbt das Brot/ so unbarmhertziglich/ darumb jhr Christen in gemein/ laßt euch daß ein Exempel seyn.

Dann wer den Armen hilfft auß noth dem wird auch reichlich lohnen GOtt/ nach der betrübten zeit/ durch Jesum allzugleich/ daß ewig seelig Himmelreich/ Amen.

ENDE.

[Flugschrift:] Zwo Warhafftige Newe Zeitung. || Von der Unruh vnd ||  
Rebellerey der Bawren in dem Länd-||lein Ob der Entz/ Auch ein Ermahnung  
an alle || trewhertzige Christen/ daß sie für jhre Obrigkeit || bitten vnd betten  
sollen/ darunder sie in gut-||tem Frieden leben vnd wohnen || mögen || ... Die  
Ander. || So sich begeben vnnnd zugetragen/ in || dem Saltzburgerland zu  
Helldorff genant/ wie || allda ein Bruder dem andern das liebe Brot versagt/  
vnd || was sich zwischen jhn beyden verlossen/ wird ein || frommer Christ in  
diesem Lied ver-||nemen. || Jm Thon/ Warumb betrübstu du dich mein Hertz. ||  
[Zierstück: Doppelknoten] || Getruckt Jm Jahr 1626. SB Ulm, Sch 8777 =  
DVA B1 4406; Weller, Lieder d. 30jährigen Krieges, S. LVI.